

أرجوك تنسى

للحب روح وللمحبين شيمة
لازم نشيل جروحنا لا نوبنا
غرق هوانا وسط بحر النسيمة
بس أشكر الله يوم حنا نجينا
ظلم انفصلنا وإن رجعنا ظليمة
طول زعلنا لين فيه ارتضينا
نموت حزن ومستحيل الهزيمة
حنا نكمل دربنا لا مشينا

سليمان المانع

أرجوك تنسى الذكريات القديمة
تجديدها لا بد يجرح حدينا
ضحك القلوب الطاهرة والسليمة
جرح العيون بصمتنا لا بكينا
خل التفاصيل الحميمة حميمة
كانت مجرد تجربة وانتهينا
ما للعتب من بعد نكران قيمة
ولا يجبر كاس تكسر بايدينا
خلك مثل ما كنت عندك عزيمة
وقل للذي يذكر هوانا، نسينا

صابني مثل السكوت

صابني مثل السكوت المزعج المحرج كلام
اتنفس ابي احكي أنكسر ماقلت شي
ابلع البث المباشر العن لحافي ونام
افتح جفوني على باكر وباكر هي هي
ادخل الشارع وتخنقني فراغات الزحام
ارجع لحالي وياويلي من لحالي علي
بيني وبين القصيده والمدينه و النظام
صرت اشك بكل شي وكل شي يشك في
انكساري عار عار عار في وجه الظلام
ماحمد نصفي رماد وباقي من العود حي
هذا أنا المشعول من لون السكوت ارسم كلام
أتسامي ابي اكتب انطفي ماقلت ضي

خالد الرادادي

